

起

谷

後

集

愆谷後集卷三

記杜紫峰傅青主軼事

偶閱施愚山集有云康熙十七年戊午 詔舉博學鴻詞之士試後又 詔視諸布衣處士有文學素著老不任職事者其授京銜以寵其行部議七人擬授司經局正字當宁薄其官與杜君越傅君山同授內閣中書舍人時杜年八十四傅七十三皆未與試先歸矣部議官不及而中旨特授蓋異數也是役也越子郊爲我言二君被 詔力辭北直巡撫命以騾車過越門掖之登卽去山西遂以檻車載山就道及到京師各杜寓門謝客比試越告老山告病 詔昇以伏而不謁乃免試 令出越遣郊問山

卷之三
曰何日行山曰卽日行及歸當事委中書命皆不拜越
號紫峰定興人山字青主榆次人視周黨嚴光之事寧分
今古哉郊親從于京故云

素景園記

素景園者鄭公子見百所新闢也其陽有舊園中丞在時
修之莠蔬菜間以花卉在居宅東稍南迤而北卽今園南
畔栽栢蓼蓼排立如墻北種芍藥廣二十武有奇縱三之
二又北爲魚池旁雜植枸杞楸杏諸木西爲舟房置以書
正北廳四楹階兩垂蒔牡丹轉而北又室五間中列卷軸
弧矢技擊距躍之具皆坏累泥塗無侈丹雘黝堊對池東
爲大陂周遭皆楊柳蘆荻怒生於下東薄邑城西映宅居
樓閣如兩山夾護城麓緣陂爲射道不棲石爲山珍禽鳥
不購自此花木檐宇隨意補添或不補不爲意必也公子
率諸弟力學各有精舍而又以時聚此揆文考道接良友

相質并及學樂習射。舅弟怡怡互切。劇子過之愛其景物。之淡素也。爲之名曰素景園。因思昔人以畫品園曰某園。唐李情小將軍畫某園。元倪迂畫皆絢而失者也。桂棹蘭楫。積壁堆金。隋秦富強。怙侈之習。所以敗也。紅葉丹壑。青濛。臨渺宋明。虛浮无用之學。所以亡也。何如伏羲之畫三奇。三偶。樸以素。無斲無幻。而億萬世生聚文明。窮變極化。已盡在此歟。且卽以公子一家論其爲絢乎。則中丞撫巡吳楚。如日之中。如花之放。而公子輩承其光。而侏其艷也。果其爲素乎。中丞方且如朝曦。如蓓蕾。子若孫自此策羲和之駕。扇谷風之吹。其進有可量哉。於戲。素與絢之相去遠矣。故於一園而洩其意如此。

重修杜家莊寺記

蠡東杜家莊舊有佛寺不稽所始康熙二十七年莊人劉

氏募衆重修至是勒石間言於予予嘗謂佛者順氣運而

生者也人五六十以前耳目積見閉心增記憶迨後則閉

見昏退記憶忽忘歲序如之春夏日生豔紅沉緜叢枝濃

蕪自無何有而淳化旁羅秋冬日消舉向之美富王露朔

風瑟瑟摧澌世運亦如之當乾坤之初闢而盛也伏羲黃

帝堯舜禹湯文武周公諸聖人植稼定倫興禮奏樂開物

成務將次寥之乾坤填寶充牣熙穰樂愷三古而後荏苒

衰矣禮漸壞樂漸崩人倫廢物時就耗數而佛氏適生乎

其間以坐虛寂滅爲教豈偶然哉儒者乃欲以尺仁寸義

張○空○拳○而○批○駁○之○不○亦○頓○歎○雖○然○滔○滔○不○返○者○氣○化○也○逆○
力○大○斃○坤○
流○挽○濟○者○事○功○也○艾○耆○既○屆○曰○吾○任○其○疲○瘁○以○亡○也○可○乎○
調○劑○藥○餌○緣○督○以○爲○經○卻○費○固○神○八○九○十○人○而○耳○目○聰○明○
起○居○壯○王○如○二○三○寸○者○豈○繫○無○之○也○然○則○氣○運○獨○不○可○逆○
而○旋○耶○特○是○順○氣○運○者○易○轉○氣○運○也○難○吾○於○杜○莊○寺○之○重○
修○并○鐫○貞○珉○知○其○爲○順○且○易○之○舉○也○故○三○歎○而○記○之○

鄭若洲曰先生爲釋氏作文大奇而扶理創而確備與
佛兩家見之皆廢然矣

甲午如京記事

壬辰、聞方靈臯以戴田有事被逮、癸巳事解、抵今甲午十月、乃過存、七日抵京、師知靈臯供應暢、春苑纂修樂律、以母病告假、在都八日、候之假滿、已返、十一日復詣奉太夫人、藕粉將登堂拜、而靈臯適前一日來、聞予聲、趨出、愴然互拜、曰苞、乾坤罪人、老母病癱、不能頃刻離苞、而苞必不能常侍、奈何、問曩事、靈臯曰、田有文不謹、予責之後、遂背予、梓南山集、予序亦渠作、不知也、難前夢先君至、苞抱之、乃血袋中空、無何難、遂作皆苞、無實盜虛所致、憶癸未場後、先生曰、名禍階也、今先生安居奉母、而予若茲、宜矣、已而論禮、予謀卜夜、靈臯曰、做寓無容、滕地比隣、劉君可借

榻但先生攜襪被來耳黃昏往靈臯問過曰苞居先兄喪
逾九月至西湖慕遇美姝動念先君逝歎粥幾殆母命食
牛肉數片期後慾心時發及被逮則此心頓息矣何予之
親父兄不如遭患難也禽獸哉予曰自訟甚善特是三年
之喪天運地吸雖屬大變乃人所共有哀一殺身一情則
維念起故魯論曰喪事不敢不勉儀禮曰夙興夜處小心
畏忌不惰其身不寧今舉族北首老母流離身陪西市幾
致覆宗其與居喪常變又殊故情亦殊也又問曰心動矣
性忍矣遇事不能咄嗟立辦能何由增王崑繩嘗誨我曰
不能辦事幼習程朱之過也豈迂腐非變故所能移與又
曰老母日迫罪戾滋加憂之奈何予曰先生請以敬勿以

憂。辭。遭。人。倫。極。變。而。夔。夔。齊。慄。惟。將。以。敬。敬。則。心。有。主。敬。
則。氣。不。耗。不。能。可。益。患。難。可。平。禍。外。加。憂。何。解。于。禍。此。聖。
賢。常。人。之。分。也。靈。臯。起。謝。楊。舉。人。三。炯。紹。興。人。個。儻。有。才。
入。座。則。靈。臯。爲。母。通。州。購。杉。板。患。中。梗。而。楊。個。然。任。之。也。
左。右。靈。臯。難。如。兩。手。靈。臯。曰。楊。君。視。予。難。予。感。之。先。生。不。
視。予。難。予。尤。感。之。昔。左。浮。丘。下。厥。獄。史。道。隣。與。獄。吏。五。十。
金。入。省。浮。丘。左。膝。以。下。筋。骨。盡。脫。仰。負。南。壁。面。目。焦。爛。道。
隣。入。抱。嗚。咽。浮。丘。以。指。搯。目。曰。乃。爾。耶。此。何。地。汝。至。也。摩。
磚。將。擊。之。道。隣。趨。出。及。後。以。鳳。廬。道。危。厲。治。兵。江。上。禦。流。
寇。曰。吾。一。不。敢。負。君。一。不。敢。負。浮。丘。先。生。也。先。生。爲。聖。道。
傳。人。予。近。考。禮。若。成。先。生。其。傳。諸。語。楊。曰。予。讀。顏。習。叁。先。

生年譜入李恕谷厠見矢堆糠粃崑繩嘗曰顏李食麤衣
垢蘭手塗足吾不能學也予曰此謀道之根抵也宜共學
因言妻遭親喪夫不入內降服降其文不降其實諸禮時
起視母焦焦瞿瞿孝友溢于須麋延醫至問方奉七懇如
也劉君淮安劉公文起之子選廣東令未行出拜問心性
儒與釋老何分子曰居敬儒也主靜釋老也肅九容以戒
不觀不聞儒也嗒然若喪釋老也次早靈臯謂昨與總裁
徐公元夢曰李恕谷諳律呂不問而謀及愚謏乎有同事
魏王二辭林曰李某以老病春官且不能赴而能堪此乎
可謂善處先生矣乃別去抵里思天下師友之助落落如
晨星今晤靈臯接其孝友砭我浮薄挹其切慇劇我冷峭

立。品。嗜。學。願。領。不。變。以。予。之。衰。憊。廢。棄。視。之。不。面。赤。而。汗。
出。哉。爰。識。之。以。當。弦。韋。

劉氏祠堂記

方靈臯每爲我言吾居京華五夜寤必聞屠宰聲其號呼嘗如人悲痛憐之而天何以不憐之耶今人夷於毛羽矣吾甚愛人禍也曾子曰民散久矣友儕散戚媯散甚至祖考亦散置不問每一思及輒憂而繼之以懼也乃今觀於安平劉子琛家祠之成爲之駟然色喜劉子以戶曹名臣後父化吾翁臨卒囑之勿忘先人母卒又囑劉子亦力行不怠修家譜樹墓碑今又家祠落成正堂三間祀四親而更商立不遷之祠與祧祠令其子孫世世守之也嗚呼是仁心藹如者矣劉子夙厚重稱君子所謂道迎善氣而回天地之慘機者不在此一家歟苟得人人效之俾天心得

楚谷後身

卷三註

返。而。靈。畢。之。言。爲。之。不。驗。也。吾。禱。祀。望。之。矣。

七

重修通州學宮記

文王世子云春入學官釋奠于其先師始立學釋奠先聖
先師周禮大司樂樂祖祭于瞽宗註疏謂禮詩書皆有先
師然并非專廟但于其學設位祭萊則古有學而無廟唐
武德間詔國子監立孔子廟抵貞觀詔州縣皆作孔子廟
邈迤宋明制愈備廟後有啓聖祠東西兩廡從祀先賢及
儒再下列名宦鄉賢祠其旁則學署爲教職所居出蒞明
倫堂藏書尊經閣而諸士傳習之所多闕焉所謂學于戈
羽籥于東序詔禮于瞽宗詔書于上庠者無有也則今幾
有廟而無學嗟乎紺宮琳宇遍天下而集大成之聖如孔
子若懂同古之先師暫設薄獻固爲不可而原立學之典

興人才輔政治。今博士倚席不講。弟子散處私肆。于家聖
道之分岐而茂略哉。亦由此通州南僚會通河東。扼榆關
北嶄古北黃花諸險塞。滙吳越楚豫齊魯漕糧。灌輸京師。
爲環海要區。無慮珊瑚木難。粵紆蜀紆。蘭桂橘荔。梗楠豫
章。沉檀安息。殊方廣洋。奇怪珍錯。罔不積貯。于是而後達
之天府。布之四方。光怪陸離之氣。鍾毓於人多雄濶而沉
深。易可大成。乃漸豐儲厚藏。培其間而又井里駐牧。擲本
崇末。雄濶流爲浮華。沉深變以機械。其須陶而淑之。非可
沓沓視也。今江寧巡撫吳公以康熙三十六年守是州。建
明倫堂五間。擬前立齋房。課士未及陟去。然心終不忘自
吳齋百金。且囑坐禮廳。吳公竣其事。客歲遂同通永道張

公州刺王公各捐金並糶開運諸文武官以及紳士共得若干移戟門磚木修學署大門羣飛鳥革泮池濬深砌高頓煥舊觀今年又改名宦鄉賢而恢壯之以故材令修學署住室如夏遂于明倫堂下左右各建齋房五間爲生童游息所功其偉矣禮聖造士各殫厥制語云合之則雙美非斯之謂歟堪幸觀其成當事者留之講學訓士而以疲癯不措乞去乃王公亦陞任將行後之君子有教下有學勿負盛舉或亦有心者之所同也至州判汪君吏目李君董監有力例當備書

王古修曰雄深奇偉光怪陸離

忠恕堂記

已亥秋子自武城旋過聚強之小營晤張拙明李文長語學拙明之東道主爲蓋翁公謨相見驩甚揖讓至忠恕堂觀其懸壁皆忠恕言丐予記公謨少任俠與其邑貴顯輩過從忽遭事齟齬瞿然悟曰今而知忠恕而不忠恕之毒鉅也遂掃軌杜足庀堂顏曰忠恕課子孫耕讀不出戶者三十四年于茲矣爲予道津津不敢盡昔兩人言虎其一傳聞虎事甚悉背建衝破畫地卜食聆者以爲博其一夙被虎嚙談之色端神懔聽未終皆毛髮浙瀝敞罔靡徙而退於戲躬歷之感人如是夫

記王草堂語

予曩如武林交王草堂其著述亟引予言屢有魚雁後聞其移寓閩之武夷山而音信迢迢矣今歲庚子到一晤身在修乃言其尙健曾見于武夷爲之忭舞因憶草堂遊天台雁蕩歸示予遊詩謂予曰下走返渡錢塘遇文僧揭而東震孟之孫也云亦將往遊因問遊蹟歷告之迨數月浙省有持二山冊葉者每幅先畫峰巒次系以詩遍餽當道則文僧遊後所作也閱之殊有誤已而見問其故僧笑曰吾何嘗遊卽以先生所言作冊耳予嘆曰今天下皆如斯矣顏習叅先生所謂舉世成一大誑者是也講道學者不必心得但纂語錄選詩及文不必能作卽肆甲乙甚至

天○文○地○理○兵○法○諸○有○用○學○彙○彙○堆○部○帙○行○世○皆○未○嘗○通○曉○
身○試○而○惟○從○故○繙○中○蒼○稗○者○也○覽○者○不○知○而○誤○用○之○殃○身○
害○世○禍○可○勝○言○歟○草○堂○太○息○而○起○

記李氏翁媪已事

李生元英從子遊一日惻然謂子元英先世本以前朝軍
功世襲百戶守紫荆關中葉有遷蠡東者隱于農遂素封
至元祖諱光祚生而端謹遭明之季綠林起爲盜所誣扳
虐吏捕之諸毒備至家以傾及清初乃稍稍葺業又捐館
去大母劉氏茹荼攻蓼持家棟不少佚誨元父及元英入
庠諸女皆適名門至今得以溫飽苟安者大父母辛苦之
遺也噫元英能不忘本可以教矣明代承平二百年有奇
及其旣也中外交訐旱蝗頻仍莊躑盜躑彌地而起日下
哺則百十爲群策怒揮芒剝若邨掠若氏一櫻其怒輒叱
咤棄之溝壑官吏莫敢誰何自崇禎末至順治六七年乃

熄民不安天日者十餘年是何世運哉今幸安堵已久然
癸未山左水災流殍十之五客歲丁亥吳越饑民幾變今
又七省告災吾北直亦半糶米價如水膝胫篋越貨時聞
能無畏耶天下安與不安始于仕途終于草野徐果亭少
宰嘗爲我言明季夤緣博一君子欺人今則賄賂購一小
人歸已挾包其哀乞當關劊劊而進主人睨而笑曰是殆
善奔走解人意者聞之喜不自勝或以揚于衆則喜彌加
氣彌雄嗚呼君子之名以夤緣而得已可傷矣况百計營
求使人呼我爲小人始快哉日益月甚殃禍之變未知何
底詩云無念爾祖又云有懷二人吾願李生三復之矣

恕谷後集卷四

復王豐川書

三世兄過辱垂示手書，肫誠之致，溢于楮端。至諭懋互相規勸，不可對面相失。至言至言，拙著見駁正者，甚當足證直諒，敢不報慙。令師二曲年譜，昨在秦邸，匆匆一緝，未詳。但念二曲先生雖未親炙，大約刻苦力行，安貧樂道，養親教後，嚴取子慎，幽獨必有卓卓可傳，令人閱之涕下奮興者。今觀譜中似載躬行實踐之事，少而常道表彰之事，多此非所以揚二曲也。子貢結駟連騎，名聞諸侯，祇稱言語。顏淵陋巷簞瓢，削迹貴顯而稱亞聖，後世爛然則知學人。光天壤，傳奕禩者，原不倚重季孟諸公也。惟存其述可耳。

无事辭費因昨諭訂修尙未竣事故妄及之餘惊不盡

上毛河右先生書

自丁亥八月書候先生清社伏處僻鄙不通信息今已丑
端月至都問貴省何氏知校屢安適舉手加額特姬潢充
有兩世兄皆不在長安無由細叩其詳德壽雙高益自謂
攝爲禱西河全集已捧讀不知近尙有著述否攀近著書
曰大學辨業、聖經學規、纂小學稽業、闡史、鄒覲、田賦考辨、
宗廟考辨、禘禘考辨、郊社考辨、學昏禮、冠禮、祭禮、士相見
禮、學樂、學射、平書訂、運心編、學易、中庸講、語、覽、天主書辯、
于○內○聖○外○王○之○學○粗○有○端○委○廟○清○後○塵○遠○宗○古○聖○但○年○亦
五○十○有○一○矣○心○性○尙○多○浮○動○身○世○每○有○過○端○天○下○安○見○安
聞者亦安有稱許而非其人或愧于已貧困如故家累

益○煩○其○終○可○行○可○明○此○道○未○可○知○也○其○終○委○之○荒○烟○蔓○草○
未○可○知○也○惟○鼻○焉○一○身○無○日○不○以○帝○天○相○質○無○念○不○與○天○
下○萬○世○相○流○注○亦○差○可○自○對○至○于○道○之○明○行○則○斯○世○斯○民○
所○闕○非○我○所○能○主○先○生○謂○堪○何○哉○學○樂○三○卷○次○爲○先○生○所○
梓○丙○戌○張○采○舒○見○過○論○樂○相○左○容○歲○始○有○校○正○爲○學○樂○卷○
三○不○知○是○否○今○呈○政○采○舒○有○駁○樂○錄○語○三○冊○鄙○言○未○足○剖○
詳○欲○同○奉○上○求○先○生○明○辨○之○以○定○一○是○曰○魚○雁○未○確○恐○致○
沉○閤○故○尙○有○待○然○其○所○駁○大○端○亦○具○載○學○樂○三○卷○內○矣○惟○
乞○論○定○卽○便○中○示○下○顏○先○生○年○譜○開○雕○內○載○先○生○一○小○傳○
王○草○堂○亦○附○入○堦○老○母○安○健○已○並○三○子○今○春○決○不○下○場○並○
聞○餘○悰○惟○有○馳○注○

與方靈臯書

璩自幼知求友天下。而亦幸有其人。或志節醇篤。或記覽淵博。或才能揮霍。然醇篤者。率墨守先儒舊說。未有心得。淵博者。或亟亟好名。揮霍者。每跡弛不循矩矱。而三者已極天下之選矣。惟見門下篤內行。而又高望遠志。講求經世濟民之猷。沈酣宋明儒說。文筆衣被海內。而於經史多心得。且不假此。嬖孽侯門。爲名譽。此豈近今所能得者。私心傾禱。謂樹赤幟。以張聖道。必是人也。而相晤恨淺。不盡欲言。是以久思奉書左右。惟採擇焉。憶癸未春。聚於王崑繩長安寓所。門下執拙著大學辨業。相提誨璩。因謬陳格物之義。聖學之大旨。門下稱是深相結。而別迄丙戌春。入

京會葬黃崑圃父喪至八里莊門下揖攀語曰大學格物
先儒論之詳矣今聞格物卽格三物終有疑奈何攀曰君
疑之卽吾亦謂人疑也周禮人方疑爲僞書何有三物但
門下不必作周禮三物觀惟以仁義禮智爲德子臣弟友
五倫爲行禮樂兵農爲藝請問天下之物尚有由此三者
外乎吾人格物尚有當在此三物外者乎卽雜以後世文
章講誦亦祇發明此三者耳格物之物非三物而何吾儒
明德親民之學止於至善乃尊於農工商而爲士之職也
試觀宋儒用佛門惺惺法閉目靜坐玩弄太極探躡性天
內地不雜於二氏乎終日章句吾伊經濟安在試思伊尹
割正有夏周公制禮作樂誅平管蔡孔子則葺月三年與

僅○此○善○人○書○生○之○學○而○已○明○太○祖○崛○起○儒○者○惟○一○宋○濂○而

一○無○所○建○今○定○三○藩○之○難○者○並○無○道○學○不○可○見○歟○聖○道○之

明○親○止○善○乃○如○此○歟○然○人○才○不○一○互○有○長○短○亦○何○足○病○所

痛○者○不○自○以○爲○不○足○而○擱○然○全○任○聖○道○率○天○下○之○聰○明○傑

士○盡○網○其○中○以○空○虛○之○禪○悅○怡○然○於○心○以○浮○夸○之○翰○墨○快

然○於○手○目○明○之○末○也○朝○廟○無○一○可○倚○之○臣○天○下○無○復○辦○事

之○官○坐○大○司○馬○堂○批○點○左○傳○敵○兵○臨○城○賦○詩○進○講○其○習○尚

至○於○將○相○方○面○覺○建○功○奏○績○俱○屬○瑣○屑○日○夜○喘○息○著○書○曰

此○傳○世○業○也○以○致○天○下○魚○爛○河○決○生○民○塗○毒○嗚○呼○誰○實○爲

此○無○怪○顏○先○生○之○垂○涕○泣○而○道○也○前○餽○存○性○存○學○想○已○寓

目○但○恐○習○說○先○入○急○難○驟○拔○而○左○右○痼○成○見○者○復○來○簧○鼓

訾○警○則○未○決○何○如○堦○曾○覽○門○下○時○藝○於○世○道○政○術○題○反○覆
躊○躇○惻○乎○其○言○之○知○仁○心○爲○質○迥○異○近○儒○而○又○氣○厚○識○沉
其○所○望○以○卓○然○有○定○重○明○孔○孟○者○豈○淺○鮮○哉○顏○先○生○爲○學
一○生○四○十○五○歲○始○得○下○走○教○以○心○性○之○功○經○濟○之○道○及○後
崑○繩○來○名○旣○成○年○亦○長○而○聞○道○心○折○遂○肅○執○贊○可○稱○勇○決
偉○人○但○崑○繩○夙○學○原○從○豪○傑○入○故○共○學○經○濟○更○其○所○長○新
著○平○書○一○帙○命○堦○訂○之○遵○同○之○外○有○補○有○改○甚○有○關○也○容
後○呈○教○今○堦○年○五○十○矣○素○原○愚○弱○更○向○衰○老○而○夾○扶○寡○侶
傳○受○豈○人○卽○嚮○所○得○三○者○之○友○亦○零○落○殆○盡○日○爲○壹鬱○以
門○下○之○德○望○若○得○同○心○倡○明○正○學○則○登○高○而○呼○所○聽○者○遠
南○中○後○進○殊○尤○必○有○聞○風○而○興○起○者○較○之○窮○崖○空○谷○之○鳴

號。雖。厲。莫。聞。何。啻。霄。壤。昔。三。代。封。建。諸。侯。久。而。列。國。兵。爭。
各。求。富。強。勢。日。趨。於。功。利。至。戰。國。時。衆。口。一。詞。其。焰。焚。如。
孟。子。乃。獨。區。區。持。仁。義。迂。闊。之。說。以。相。欄。抵。宜。其。爲。淳。于。
髡。輩。所。譏。笑。也。然。無。何。至。秦。漢。之。間。而。其。言。大。驗。聖。賢。見。
之。遠。而。慮。之。深。乃。如。此。也。今。聖。道。之。悠。謬。二。千。年。矣。顏。先。
生。忽。出。而。獨。尋。墜。緒。以。開。吾。徒。豈。一。人。一。心。之。力。所。能。致。
此。殆。亦。天。地。神。聖。之。所。啟。也。門。下。雅。欲。爲。不。朽。人。必。不。隨。
場。觀。笑。富。貴。旣。如。浮。雲。文。辭。亦。屬。春。華。其。所。以。屹。屹。自。立。
者。必。有。在。矣。繼。往。開。來。幸。力。自。決。馳。祝。馳。祝。存。治。存。人。顏。
先。生。年。譜。三。種。呈。覽。不。知。明。春。可。北。上。賜。教。不。竹。望。不。盡。
齊。燧。侯。曰。昌。乎。其。論。惻。乎。其。辭。誠。漆。室。重。光。也。而。文。之。

雄深沈鬱則酷似昌黎原道矣

復黃宗夏書

小札并改訂贈序稿已書就倩人北寄忽手翰到言已於六月二十一日南旋矣是日七月十三也正爲祭先齊戒不能自持忽忽若失左右手齊意亦亂天下甚寥廓人甚衆吾目中僅首得足下一人乃忽天各一方足下卽精進無由啓益不肖若衆楚咻刪叟禁萬一少退真可爲天地先聖憐才長歎也如何去心三復大論人道祇在事父從兄動靜語默之際能時時檢較不自寬假則下學上達卽可直造聖域又謂顏先生之學如布帛菽粟不可一日離一離之非饑則寒見確守定如此吾知其日進而不少退也果矣大約吾學須胸中時有新機勉學業時有增益始能常遊

聖賢之途若但在苒故吾卽易墮落昨與王崑繩所言甚
多題其省身錄一則云日記考察有三心之存日密否身
之視聽言動中禮否時覺其進否一也禮樂兵農射御書
數之學或諸藝或祇一藝月考年計有加否二也身心就
範學問不懈則天理日有所悟人情日有所照經濟之術
日有所閱歷果變動日新乎抑仍舊乎將灰塌不靈乎此
甚可以驗吾學之消長三也今錄呈堦到里遭家事坎坷
日無寧晷幸可自對者心不爲繫累小學已著成數樂諸
學皆少長舞勺儀頗可觀尊君先生肅帖致候縷縷千萬
不悉

閻百詩曰今天下古文惟毛西河王崑繩與吾恕谷耳

而恕谷以躬行實踐入故其文恢奇變化而一本於道

答馮樞天書

五月下旬捧讀來翰并展佳篇篤崇實行潤以詞章瞻覲
數百里內少其倫比狂喜呼三弟培同觀故友閩百詩嘗
謂朝得一士暮以告人璫則更甚平生偶獲佳品輒熏之
沐之實然首戴而肱持之况今顏先生王法乾相繼捨我左右
將伯無人惟與舍三弟共晨夕而恐未能有成也若得足
下一勁輔講學力學先聖世道皆與有慶而豈僅主客式
賴哉因憶昔年往謁習參先生先生急出足下書冀望揄
揚既而再見三見問足下來否先生曰未也因嘆後儒率
心中一涉想筆下一成文今世止然一著論精力已畢果爾步
趨者安可多得及今闕來教乃知深以習參學爲是特貧

累○遂○耽○閣○也○自○首○聖○賢○無○有○不○資○朋○友○而○成○者○故○直○列○一○
倫○于○君○臣○父○子○間○孔○子○大○聖○而○於○子○產○晏○嬰○兄○事○之○漢○儒○
甚○重○遊○學○至○于○擔○簦○都○養○司○掃○除○不○告○窮○瘁○宋○儒○若○程○張○
朱○陸○俱○多○聲○氣○據○于○先○正○無○能○爲○役○少○年○食○糠○覈○衣○鶉○結○
貧○甚○然○不○敢○自○棄○入○泮○後○始○從○顏○先○生○遊○三○四○十○里○嘗○步○
往○既○而○走○四○方○凡○海○內○道○學○才○雋○通○儒○文○士○無○不○委○曲○納○
交○者○是○以○極○愚○至○陋○而○於○身○心○頗○有○功○力○經○濟○頗○有○見○解○
禮○樂○兵○農○經○史○頗○有○論○著○考○古○幾○過○萬○卷○皆○朋○友○力○而○因○
深○信○五○倫○百○行○皆○此○一○倫○成○之○也○嗟○乎○人○僅○欲○爲○鄉○黨○自○
好○者○閉○門○無○交○可○也○若○如○大○論○盡○性○至○命○參○贊○化○育○繼○往○
開○來○舍○友○其○何○以○哉○且○今○時○較○古○更○急○古○學○術○未○墜○而○孔○

子猶周流天下以廣考究稱孔子曰好學下問故今論
○今○人○不○辨○此○問○字○
人必曰學問今則學術失傳異言喧豗岐途眩目而欲不
博學審問慎思明辯輒言篤行恐誤者不尠矣足下天分
甚高而又不憚下問剋期命臨少俟秋爽亂寓去敝里咫
尺方將矣托于老馬識路敢辭往來其卜日而卜夜焉
胡元馭日以韓孟溫醇之筆洗發朋友一倫刪醜動聽
讀此文而不興尊師取友之志者必无成人也

復程啓生書

丁酉十一月朔後八日安平門人趙漸遠持一函至燈下
展讀則發自金陵甲午冬書乙未春附郵至今四載始達
鑒照高遠辭滾滾如江河讀已而喜再三讀不自休嚮嘗
疑天意不可知今乃信天之不喪斯文必然也不然足下
年才踰弱冠而卓見聖道如此豈造物無意篤生者耶
自二十一歲從遊顏習彞先生爲六藝之學逼壯出遊四
方交天下士如毛河右諸前輩取其博物助我躬行禮樂
射御書數在大小學者皆考究今古稍有實據因開雕習
彞存及拙著辨業問世年來更爲易詩論語等傳注於
習彞之學益擴充之似周孔故道儼在當前而犬馬之齒

今歲亦遂忽忽五十有九矣。每午夜旁皇惆悵以遠近問
學者。雖有其人大率一長一解。求其明於心行於身宜暢
於言語發揮於事業可全以付者寥寥。甲午冬武進惲臯
聞至博淹敦廉耻一聞習。無學遂共學篤行著書。予不
逮殆其人也。然退而思之又悒悒不樂。臯聞予不及十
歲其與陶甄夫方靈臯之與予交年之先後髣髴也。及予
老耄而諸君亦就衰矣。非後進英奇使聖道相衍遞。禮以
至無窮者。今乃忽得之足下。年少才高議論輝光肆映如
偉炬燭天。此天特生之以使周孔之傳不至墮地者也。則
習。無雖亡而不亡。謗。陋雖衰而未衰也。慶幸私情冀望無
涯。做裁書而附條答於後以復焉。

附程書

新安後學程石開頓首再拜謹奉書恕谷先生門下開少
好辭賦亦爲制舉文其於學術之是非真僞未有以辨也
弱冠後從外舅陶甄夫所得見顏習魯先生四存編及先
生大學辨業始知當世尚有力實學而續周孔之緒於燕
趙間者蓋聖學之失傳久矣數百年來學者不入於朱則
入於陸互起而譁自習魯先生出舉唐虞三代學教成規
以正流失廓清紹復之烈未見有如之者也先生嗣其後
自當若孟子之遵孔子不然則荒塞於戰國之橫議而孔
子之道未必尊師至今爲烈也夫物盛則衰以先生師弟
得三千載已喪之真傳乘數百年將更之氣運宜一呼而

靡○然○從○風○然○而○應○者○尚○寡○非○三○代○周○孔○之○學○必○不○可○行○於○
後○世○也○靜○坐○讀○講○其○習○進○可○以○干○祿○而○退○易○以○自○足○三○先○
生○所○爲○教○則○孝○弟○忠○信○禮○樂○兵○農○躬○行○力○學○不○得○漫○然○虛○
大○者○也○又○安○肯○違○其○所○甚○樂○而○從○其○所○不○便○耶○雖○然○勢○極○
必○返○願○先○生○省○可○已○之○文○辭○絕○無○益○之○交○往○保○愛○精○神○以○
道○自○尊○而○專○肆○力○於○周○官○三○物○旁○求○同○志○益○廣○其○傳○令○天○
下○不○病○於○道○之○難○行○而○咸○信○夫○古○之○易○復○則○先○生○之○無○負○
習○益○而○大○有○功○於○當○時○後○世○者○也○開○也○愚○弱○未○能○卽○時○比○
上○擔○簋○執○贄○擬○先○撰○閑○道○錄○以○矢○願○學○之○心○謹○條○錄○請○正○
臨○書○不○勝○瞻○依○馳○溯○之○極○

與王崑繩書

昨入上谷相別握手歎後進乏材聖道昌明何日淒然淚下天地神鬼獨无靈耶无躁无躁讀愚易註拍案稱快起前軼後又言各卦總結六爻分象合爲一象勢如率然殊屬獎借但謂爻變互卦以及伏體反體似體半體則聖經所无當掃而去之歸里再四考索有未敢遽以從命者謹白吾子據居則觀象玩辭動則觀變玩占二語以爲爻變乃占事非平居觀玩所用然此互足之言耳觀象玩辭變在其中矣觀變玩占象在其中矣不然占亦有不變者何以觀乎且聖言不止此爻者言乎變者也爻者效天下之動者也道有變動故曰爻爻者交也陰交陽陽交陰也則

爻。本。以。變。為。名。而。乃。曰。不。變。乎。故。爻。不。用。七。八。專。用。九。六。
以。云。變。也。而。曰。爻。不。言。變。是。反。聖。經。矣。而。謂。聖。經。无。有。乎。
左。傳。蔡。墨。子。乾。初。九。九。二。九。五。上。九。用。九。白。乾。之。姤。之。同。
人。之。大。有。之。夫。之。坤。智。莊。子。于。師。初。曰。師。之。臨。游。吉。于。復。
上。曰。復。之。頤。王。子。伯。廖。于。豐。上。曰。豐。之。離。皆。非。卜。筮。也。而。
卽。以。變。訓。爻。辭。可。據。也。吾。子。曰。此。亦。不。足。信。者。則。春。秋。諸。
賢。尚。屬。三。代。遺。英。左。氏。受。學。孔。子。必。有。師。傳。而。盡。以。已。見。
駁。之。後。儒。武。斷。毀。經。吾。子。所。惡。而。可。蹈。耶。互。卦。亦。聖。經。所。
有。也。繫。辭。傳。二。與。四。同。功。三。與。五。同。功。吾。子。以。為。但。論。中。
爻。非。言。互。卦。則。雷。在。澤。上。曰。歸。妹。泰。之。互。震。兌。五。爻。亦。曰。
歸。妹。辭。與。歸。妹。五。爻。同。夫。歸。妹。之。辭。非。習。言。也。而。故。同。之。

非論互卦乎。豈周公繫辭彼此雷同。竟漫然已乎。周史占
觀之。否明指互。有艮山。吾子又曰。占象不必在卦爻中。則
未有占出于易象之外者也。至于伏體卽對易反體卽反。
易文王序卦于屯蒙五十六卦。用反易于乾坤頤大過坎
離中孚小過。用對易孔子作序卦雜卦傳以釋之。則聖言
矣。豈易象所无。而聖人強爲扭合也乎。易文言曰。六爻發
揮旁通情也。謂乾三爻旁通。則爲三畫坤卦。六爻旁通。則
爲六畫坤卦。若如俗解。謂旁通曲盡其理。以爲泛言之也。
天下物理本乎天者。親上皆天矣。猶是乾矣。非旁通矣。本
乎地者。親下是旁通坤矣。非泛言矣。夫乾之旁非坤。尙有
何物。何理哉。反體則泰之傾否。鼎之顛趾。周公顯著其象。

傾顛反也。鄭人謂孔子頽似堯，頂似臯，陶肩似子產，自腰以下不及禹者三寸似。似體也。腰以下半體也。人既有之。易象亦然不者，无以盡天下之像也。无以盡天下之變也。且亦思易之妙變者，易者似者之究不變不易不似乎。乾坤生生之道也。孔子頂似臯，陶肩似子產而究爲孔子之頂與肩非。即臯陶子產之頂與肩也。吾師習齋先生曰：予思劉煥章時，即恭莊思陳國鎮時，即懇摯思張石卿時，即謙抑變易之說也。而究爲習彘之恭莊懇摯謙抑非。即三賢也。春秋占觀之否觀之否耳。互卦有艮亦艮山象耳。未嘗卽作否艮二卦斷也。占屯之比仍屯之初九非。卽比之初六也。若卽否比是否矣。比矣非觀之否屯之比矣。吾子

乃。憂。有。變。有。互。有。伏。有。反。有。似。每。卦。有。二。十。餘。卦。以。爲。糺。
紛。不。知。二。十。餘。卦。仍。只。一。卦。也。故。曰。不。爲。典。要。惟。變。所。適。
又。曰。既。有。典。常。道。不。虛。行。二。者。兼。會。之。于。易。思。過。半。矣。至。
謂。每。觀。艮。爲。門。闕。爲。手。等。解。輒。厭。之。又。曰。立。象。以。盡。意。不。
必。執。取。爻。畫。乃。聖。人。以。意。爲。象。則。王。輔。嗣。程。伊。川。舊。有。此。
議。掃。象。去。象。見。于。註。傳。而。其。言。泛。浮。不。論。辭。何。以。繫。漫。然。
論。理。則。何。必。註。象。註。象。但。講。魯。論。孟。子。卽。可。何。者。通。一。理。
也。今。旣。註。象。象。繫。辭。卽。論。理。亦。須。強。比。其。辭。杌。杌。附。會。吾。
子。讀。其。註。自。見。何。爲。蹈。此。且。如。此。勢。必。將。說。卦。諸。象。以。爲。
非。聖。人。之。言。如。歐。陽。修。輩。矣。是。毀。經。誣。聖。之。漸。也。豈。可。豈。
可。拙。著。自。告。成。後。未。得。有。道。就。正。无。由。發。蒙。今。賴。吾。子。直。

諒使狂愚再四擬議拜益多矣然亦望吾子深究之廣通
之再詳以諭歸于一是焉

陳尚孚曰陞五十後始得先生易註讀之五體投地論
理宛然在此卦此爻之象非泛理言象躍然是此卦此
爻之理非扭象從前註解所未有也閱此書可知其通
身皆易矣

與朱可亭學使書

琳啓昨在秦邸傳聞有州縣與執事相商。延琳講學。驚汗
无地。及旌節過富平。謬辱隆禮。昧旦前。卽枉車騎來臨。楊
令闡者失辭。以致鈞駕久候。復行及至。琳知倒衣起迎。則
已後矣。追至道左。匍匐負罪。旣屬不便。躬詣蒲城。以修往
來。又以開場校士嫌疑。當避不恭之愆。无可補苴。用是謹
以書達。以白其愚。昔王子師赴豫州。未下車。卽辟荀慈明。
已下車。辟孔文舉。李邕爲陝虢觀察使。禮下陽城。皆嘉德。
好士名臣之盛節也。若琳則燕趙鄙人。土苴自愧。雖少承
父師之教。頗知聖緒。而志力謏陋。以言行則千瘡百孔。救
過不暇。以術業則學山文海。登涉未能。曲節下顧。徒辱簪

纓。至。講。學。一。事。又。今。古。攸。分。不。可。不。察。古。人。先。學。而。後。講。
故。魯。論。曰。學。之。不。講。卽。中。庸。先。博。學。而。繼。以。審。問。明。辨。也。
後。人。則。以。講。爲。學。多。事。空。言。鮮。敦。實。事。且。古。聖。賢。講。學。如。
學。禮。則。講。禮。學。樂。則。講。樂。子。游。問。孝。講。以。敬。子。夏。問。孝。講。
以。色。難。皆。因。學。而。辨。因。人。而。發。後。儒。則。高。坐。鴻。宣。或。談。性。
天。或。訓。詩。書。濶。帽。快。馬。人。可。冠。履。而。其。實。不。如。古。學。教。之。
切。實。也。故。講。學。不。惟。寐。不。能。抑。且。不。願。年。底。省。親。不。日。東。
行。謁。會。之。期。並。不。能。定。惟。是。高。厚。雅。誼。日。勤。肺。腑。謹。呈。拙。
著。二。帙。求。正。不。盡。

復蘭行上協鎮書

自崑來寓中一晤肝膽氣誼握手如故已心許之昨會秦
邱倍深喜躍何者麾下秉鉞閩外謙恭下士更甚曩時知
將來建立斷非淺鮮近訪秦俗猶有駟鐵同袍之氣而饑
食渴飲亦易感動麾下若拊摩痛癢投醪分旨異日使之
蹈湯赴火乘風萬里可唾致也馬服君穰苴二傳熟讀何
如承命下榻轅門極契鄙懷而慎修初政剔弊流膏一聞
出遊投轄固挽爲之奈何當俟後時耳曉夫致候不宣

又書

復札妄言則古拊士或曰古之名將租賦皆輸莫府故能
養其軍今自瞻不暇何暇其他予曰不然是圭田廢士卽

不。祀。先。御。富。薄。官。卽。不。立。廉。也。亦。在。人。而。已。矣。吾。友。負。奇。才。壯。志。縱。難。格。外。行。事。斥。不。急。之。費。退。无。用。之。人。念。士。寒。與。之。共。惡。衣。念。士。饑。與。之。共。惡。食。念。士。勞。不。張。蓋。不。坐。乘。推。心。置。腹。一。甘。必。分。視。衆。若。赤。子。隆。才。若。師。賓。有。疾。痛。則。垂。泣。而。拊。摩。醫。藥。之。此。亦。何。不。可。行。者。安。平。君。善。鼓。士。不。必。在。豐。裕。時。也。或。无。言。而。退。因。載。書。以。瀆。不。知。高。明。以。爲。何。如。臨。池。懸。注。

答王帶存書

昨在秦邸過承吹噓彼時私心猶疑以爲南中名士互相
標榜之習也未敢深論及旋富平追思貌言溫然可掬非
單複者不謂德音娓娓復爾遠辱見道之明體道之切溢
于言外且知淵源有自得于家傳乃悔昨之待高明者未
盡也愧甚愧甚目下返里省親富令差役隨行敦促必來
可屈明春見過聯牀午夜傾倒今古富令極知重士每有
來問學者必掃榻飾厨或無斧資且倒囊以贈勿以豬肝
半片引嫌遠避也所教令先君選言而出擇地而行爲自
紀以自考又言聖學不離倫物苟不躬行高談性命勿取
也又言聖學原欲經世夫子于及門問何以酬知于誦詩

言爲政出使非如後世高座道學迂濶无用又言學者隨時隨地當存畏天憫人之心斯誠聖道嫡傳顏習魯先生以此立教。搆日夜孳孳赴之而不能有副者也。門下但實體家傳足矣。搆又何知。尙有裨益。至高論格物謂大而子臣弟友小而洒掃應對皆由學問思辨與拙論如出一口。然又遵朱子卽物窮理而以格鄉三物爲疑者。或以未見鄙著故也。俟明春摹本奉教。夫卽物窮理亦未嘗非。但朱子訓物及于天地鬼神龍蠖草木則或非初學所及。或屬聖人所不必知。能而窮理之功又不外講著讀書仍涉于虛。故須少有商榷也。且搆有偶與先儒辨者皆爲聖道學術。人心世道不得已而立言。至于章句小義明知有誤不

輕道及。况所見未確。校米數鹽以好勝求名之心。爲詆毀
先正之具。固古聖哲所不樂聞也。甄夫論周正不收時改
月數端。搆已妄辨之已。又論懿子問孝四章。相因爲次。思
新交一一駁正。恐難以堪。乃徐曰。昔餘杭有一孫海門。著
解論語。皆章章接續。人驚異之。此不駁之駁。而在座者莫
解。故傳以爲搆然之也。竟陵譚志草先生。謬念愚劣。竟
作古。可傷顏先生年譜一本。先呈餘統容面。悉不宜

恕谷後集卷五

復憚臯聞書

來札云上谷相晤匆匆。然一見輒覺神明警醒。得數日安樂。蓋誠于省身者。一觸卽覺。乃有此景。非門外人所知也。小犬親迎。辱厚貺。不敢却拜。登竦然。至于毛先生居東之辨。似歷歷可據。然天下理道何窮。若高明更有考据。願聞教也。但自宋儒後。于帝王經世圖大之猷。總屬隔壁如武王無觀兵事。伐紂非聖人。一日未絕。則爲君臣。一日命絕。則爲獨夫。種種議論。似屬維繫君臣大倫。悅耳可聽者。而其實于經傳不合于帝王大道。皆悖也。幾時促膝傾倒。其說先此伸謝不盡。

與王崑繩書

春間有字奉達。不知到否。平書已訂訖。所酌訂者。附各篇後。與尊稿相半。卽名曰平書訂。何時相晤。一上下其論也。今歲五月爲楊慎修所敦請。遵有富平之行。慎修兄所舊知者。性喜事。自負遠志。是以愛民立政。甚得聲譽。惟是慎終爲難。而宦署中人。嗚呼。利鴟難免。歲底必旋里。省親不能久住也。落落乾坤。我見東外。不知更向誰。是每念今之學者。如一人曰。我好遊。遇一人曰。我好遊。遂攜而同行。而并不知道遊有遊之學。遊有遊之才。遊有遊之資。下則未嘗願遊。而嘲歎相從。執曰。我亦遊也。嗚呼。出門。俛俛欲何之哉。春間小札。以交遊勿濫。相續。想必垂照。我二人皆

已。老。大。忽。忽。奈。何。我。躬。不。闕。遑。恤。我。後。守。身。實。道。當。互。相。
祝。勉。耳。今。歲。遊。秦。李。二。曲。門。下。士。皆。以。顏。先。生。之。學。為。然。
黎。長。舉。學。禮。魯。聖。居。學。樂。蔡。瑞。生。讀。孫。吳。張。潛。未。學。平。書。
陳。尚。孚。學。易。文。武。在。位。亦。頗。聞。風。嚮。往。我。輩。窮。老。无。可。為。
者。文。中。子。或。可。法。也。過。歲。復。到。秦。中。鼓。舞。後。進。亦。未。可。知。
耳。閔。府。動。定。將。寄。德音。為。望。不。宣。

與張子勵韓同甫魏庸功書

前一小徒自中州歸言三賢覽堦與西山先生書是之私
幸隙見不謬于有道今徐生見過屈指伊汴豪雋復道斗
山皆嗜正學如饑渴卽欲過晤緣顏習堯先生斗辭人世
急北會葬來春大約重南可圖把握耳近世詩文字畫浮
學不論所稱高座道學根據不過三者一玩照內地一持
身不大真蹟一誦讀著書遂自謂今世上品夫誠今世上
品也但以之封錮謂周孔之道祇如此則偏且蔽更以禍
世何者其內地玩照皆依傍主靜觀空爲二氏所雜而失
聖門戒懼慎獨存心養性之正也不大真蹟者乃孟子所
謂鄉黨自好而于聖門約禮之功尙缺畧也至于誦讀則

學者餘事著書乃不能行道不得已而明道之事而周孔
正學則論語所載問仁知問孝問政由求等所習之禮樂
兵農也今茂畧不務而但兀兀窮年故紙充棟復增以紙
舉世目道學爲迂濶无用而已亦以迂濶自居聖學之明
親止善豈如此歟故嚮承顏先生教于同人少有辯說非
爲此一二噉名者辨也一二人有誤何足辨獨是舉世以
爲聖學正路止于如此而心性無實功身世無實學天地
萬物不能位育可爲太息而中夜傍徨也幸三賢不以爲
非來歲務得一聚坐言起行使聖門果有傳人所關何似
當今海宇寥寥惟各自愛不宣

回楊慎修書

庚寅正月初三日

恭以不才。謬承嗜痂。愛均體膚。有言必從。幸不獲罪。士民臨行。紳耆吏役。供張祖道。戀戀祝以復返。足下投地垂泣。固邀相成。至嗚咽不能語。每念之。輒爲酸鼻。今乃橋梓。意見各別。無賴臧獲。乘隙交搆。以致尊翁書來。有他因遣。送役隻歸。此不知關係足下一身一家之事。不知關係一邑天下之事。皆天也。今歲再聚。開水利。藝桑田。分鄉里。練民兵。課士習。布道教。延訪俊傑。挽回治道。此何許事。天豈容易。令我二人左右有成者。固非奴婢所能阻壞也。惟此後足下孤身。愈縈鄙懷。如何如何。除邪如何。除布善如何。布足下善。自愛極力保攝。以健身軀。一言勿輕發。一事勿輕。

行○勿○與○僕○役○絮○褻○勿○勞○精○力○早○睡○戒○酒○以○使○夜○間○清○醒○小○
心○以○使○人○无○能○欺○瞞○少○事○以○使○神○常○健○王○勿○喜○奉○承○獎○譽○
以○受○人○愚○勿○輕○托○腹○心○則○奸○詭○不○得○施○矣○字○到○萬○勿○動○氣○
生○疾○爲○人○所○幸○徐○以○處○之○機○變○何○常○千○萬○不○盡○

與來儼若書

十月半過德州一李生龍友來見日臨胸上五井來子儼若異士也及抵武定拜五老庵庵曰儼若義勇不可一世又晤登州趙德生云先生曾遊海上訪人物曰某某佳但無實經濟聽之狂喜以爲迄今所罕有世之蚩蚩飲食者不足論其類異稱士者爲八比再上爲詩古文又上號理學講性天皆趨无用先生獨重有用學同肩吾道有人矣已又聞五老庵云先生家計日削抱羸疾恐綿延難起堪大驚起立何有用人而至此天歟人歟天阨之也吾則不知矣如非盡天艾也則病有自來亦有自去先生自度爲何如人耶若果其身爲天地萬物不可少者有疾而不自

療與朋友聞其疾而不思所以療之皆與于不智不仁者也是以妄擬一方獻之左右不知有合與否而愚衷不敢不盡竊以爲庸人之病酒色財而已豪傑之病則一在曠懷天下而不卹家室一在憂世而不樂天古聖賢之爲人也教必先以養其自爲也先保身齊家而後及國與天下井里菽布養身家之具也而今與古文異古賓興不出萬家之鄉公私治民治事之官甚夥易于見用故無憂貧後世反是而父母不可不事妻子不可不畜故許平仲曰學莫先于治生以不治生則无以養廉節无以長學問故海內豪俠者流往往奔走四方緣門持鉢漸染骯髒而且忿忿然爲糊口計所謂兵農禮樂者僅託空言而无餘力以

從事也。卽或閉門高尙九州四海空懷措置而一身一家
未有棲泊蹙蹙困窮妻孥交謫貧繼以病牀頭短氣嗟乎
跬步不能而尙言遠大耶。旣曰有用何不用之。身家何不
勤何不儉何不走風宿雨。榷水負薪何不上取之。天下取
之地如范蠡馬援可聚可散。此病之當急醫者一也。吾儒
道德經濟原非二途。舜遭焚廩浚井。烈風雷雨諸難而不
損者。以其夔夔齊慄性天已定也。孔子悲天憫人而樂在
中。蓋震盪之勲業必自敬定之性天而出也。後世豪俠一
有遠志輒怨天尤人。氣塞髮指。至不能得意氣日填瘵身
益无聊外感內傷皆相縛制而憂傷終老病入膏肓。當爲
孔孟所不取也。此病之當急醫者二也。先生自勸无此病

也。无。妄。之。災。行。有。喜。矣。苟。萬。一。涉。此。先。生。而。果。豪。傑。也。朱
晦庵曰。如。此。爲。病。不。如。此。卽。爲。藥。吾。知。聞。鄙。言。必。一。笑。挺
立。不。知。沉。疴。何。去。而。身。體。髮。膚。劃。然。爲。壯。士。完。人。也。相。見
有。期。容。再。頌。倒。不。悉。

上太倉相公書

恭向以家貧親老食力四方以求菽水客歲歸里老母七十有餘羸弱多疲動須扶掖飲食疴癢跬步難離日謀北上叩謁鈞衡尚未得遂昨王之臣以萬歲科進士來自都門之臣從孫之表昆弟也傳論清問不以迂遠爲罪且欲提拔薦剗置之華顯威甚感甚而但恭非其人也骨相多屯面目猥野如溪壑山豕惟知豐草長林引置庭除必且驚愕失其魂魄況進之清廟明堂乎此萬萬不可隕越者也。恭行年已五十又六功名富貴極知非分一無越思惟是學問積習緣與性成自覺于堯舜周孔之心源粗有所見于三古所傳之易詩書春秋禮樂微有所解近者禮樂

六藝皆有著述。易經大學中庸已註。訖論語正在詮訓。而貧乏迂濶言之。則聽者稀。付之梨棗。則無力。恐一旦湮墜。遂委泥沙。以夫子之德量名位。用天下若不彼謗。劣取小著。種種賜觀。以定是非。使得折中以質。後世卽白骨而附之。肉矣。固不必強納之。清華使迂踈不通。世事之人動輒觸戾也。謹將易註間鈔數緡。先呈。惟乞坐論之暇。少垂觀覽。指其瑕類。是幸。北望稽首。惶恐惶恐。搆謹稟啓。

與溫載湄書

下交如門下者尙復幾人幸而暫止敝邑自當朝夕過從
沃親色笑乃一見經旬無能長侍怠慢之罪疚心慚而然
而有故不敢不少白于左右。搆少頗負狂志欲起而馳驅
天下建功立業卽萬一蹉跎亦必講學明道大聲疾呼以
覺斯人今俱已矣。年殘運蹇上而當道或譽或毀皆傳聞
過情非搆本色。四海舊游陸續零落鄉戚比隣同學者尠
然則強顏對人將以何語而搆又不幸賦質迂乖善笑工
輦射利陳乞旣已不能米鹽欸瑣婦子寒溫又復不慣以
此自知大人貴跡之事斷斷無分因之奉親攜幼遠竄荒
鄙躬耕灌園冬底務閒尙有人象入春以後面目黎黑手

塗。足。泥。塵。封。麤。髮。焦。焦。趨。走。與。土。芥。細。民。同。範。一。模。雖。欲。
進。身。仕。君。子。之。側。仰。首。周。旋。固。不。倫。矣。是。以。甘。貧。杜。口。絕。
跡。城。市。卽。敝。邑。數。十。里。之。近。嘗。經。年。不。一。入。偶。入。之。人。以。
爲。驚。已。亦。以。爲。怪。其。不。能。常。過。請。教。良。以。此。也。惟。門。下。格。
外。之。鑒。自。能。諒。之。故。一。道。若。他。人。則。忘。言。久。矣。

翁止園曰寫晚年遁跡農圃晦形逃名之狀如畫而或
以爲先生治生謀富堪捧腹矣

與張解元書

近時學問人少三五良友皆落落天涯每歸里居輒壹鬱
無語不謂留心經學者竟出自少時同硯席人昨一聚談
喜出望外拙論多有唐突惟笙詩有聲無辭一則伊時以
日暮別去未盡其說此詩樂大義不可不自者笙詩非無
辭也小序有其義矣東氏夏侯氏魯補其辭矣古人未嘗
言無辭也書曰詩言志若無辭則或曰笙調笙音而不可
曰笙詩世有無言而稱詩者乎至宋人鄭樵疑六詩何以
盡逸遂武斷以爲無辭夫逸詩之故安得盡考或以笙詩
用在一時故連篇而逸耳若曰無辭則孔子刪詩而計之
曰三百篇乃取無辭者以計數可乎朱子又誤因樵說因

見儀禮燕與鄉飲酒文有歌有奏遂解謂有辭者爲歌無
辭者爲樂爲奏則舉其一竟忘其二與三矣周禮歌黃鍾
奏大呂歌與奏皆樂也凡樂事以鍾鼓奏九夏奏卽樂皆
有詩辭也且大射則歌射節主奏騶虞諸侯奏貍首卿大
夫奏采蘋士奏采芣皆以歌爲奏卽儀禮鄉射亦云樂正
東面命太師曰奏騶虞豈騶虞采蘋采芣統制亦有聲無辭耶
周禮鞀韞氏掌聲歌祭祀則吹而歌之註疏謂歌者在上
而吹者以管籥爲聲故笙師掌教等笙籥管諸器故郊特
牲曰歌者在上匏竹在下是吹笙管無不比于歌辭明矣
鄉飲酒義合樂三終註疏曰笙吹鵲巢采芣采蘋是笙詩
不止南陔等六篇且有辭至今見存者矣孔子旣祥十日

而成笙歌。是笙有歌辭。聖人之行事。確可據矣。至又謂笙詩無辭。同于投壺之魯鼓。薛鼓。但有音節。而併無詩歌。更爲可異。夫魯鼓。薛鼓。正應歌詩之節。以爲投壺之節者也。故前命弦者曰。秦。狸。首。而乃若未之見也。何耶。所謂通經者。謂其穴貫參五。一觸百動。若與古聖揖讓而上下也。如執一未解。便成膠漆。失之遠矣。門下經學。諒不自封也。故敢以是請正。不宜。

陳健夫曰。舊聞萬季野與恕谷考証。今古握手而笑曰。天下英雄。惟使君與孤耳。聞潛丘洪去蕪。未知何如也。今觀此良然。

復憚臯閑書

承示心銘足見近功縝密故天君呈露但有商者銘但言
心之體狀而未及其功力也是從放曠禁制摸索擬議俱
不得之後而忽悟其妙而非致功之據也且二語有死心
死則佛氏涅槃之說也玩之樂甚惟恐一轉動失之程
邵養心之學故程子閉目靜坐邵非孔孟養心之學也孔
孟之學曰立則見其參于前在與則見其倚于衡先立其
大求其放心而總之操則存一語盡之卽詩所謂小心翼翼
昭事上帝也易所謂日乾乾夕惕若也可以曠適可
以禁制可以摸索可以擬議動亦操靜亦操如明鏡高懸
所謂明明德也何有死境所謂明明德于天下也何爲動

失此道原細、向來所交良師友、惟見習參先生、內地卓然。
如王崑繩、宋豫庵、皆未實得、因足下精進無疆、故妄言之。

復惲臯聞書

端月十日門下付天津人書至二月初八日又接手教意
念肫切讀之感動所諭傳註緩刻良有見但大學中庸年
前已竣論語刻樣俱寫訖開雕十之三四則不能止矣唯
勿輕與人可也然搆亦有說者門下謂朱註痼人以其爲
科場所遵溫飽榮耀俱出朱註安得不寶而奉之今欲呼
其蠱寐難矣誠哉是言卽如方子靈臯文行踔越非志溫
飽者且于搆敬愛特甚知顏先生之學亦不爲不深然且
依違曰但伸已說不必辨程朱揆其意似諺所謂受恩深
處卽爲家者則下此可知矣搆雖愚妄寧不之解但搆老
意非急望之一時非槩望之人人也卽如目前求溫飽榮

耀固比戶皆然特然樹起者近地有馮樞天相從數千里外又得門下相印合程啓生相推許虞仲翔一經生耳猶謂舉世無知死當以青蠅爲吊客今當吾生而磊磊有三四人不爲少矣語云千里而一聖若比肩而立百里而一賢若接踵而至自古難之何論晚近況其他心以爲是而但口不能發明文不能燦陳者又指不勝屈也況天下萬世又未可以意量也獨是堦所憂者不在同調之寡儔而在此道之遂泯堦與門下齒已俱長百年而後子弟未必能承及門未必通顯而書煩鈔寫甚爲艱難流布必少天下事未可知東振西蕩遺籍散落矧此一二家藏勢必沉淪後世並不知有此說而望繼起之有人固無自矣故

嘗謂堯舜孔顏若無經書。今世並昧其姓氏。又焉傳其道。術苟得。摹本易成。散布人間。卽付之無何。有之手。或千百。帙皆亡。而一幸存。一遇有心人。得之。星星之火。遂可燎原。韓昌黎文集掩抑百餘年。歐陽文忠獲于敝篋中。表章之。輒以行世。況聖道乎。門下謂求溫飽榮耀者。必不能翻然。以從。搆正憂溫飽榮耀者之群。痼聖道而欲勉留此幾微。一綫也。辨業學規纂。雖依倚聖經。恐人尙以爲一節之見。偶然之論。今聖言歷歷。皆與註明。則斯文規撫道路。固有一定矣。萬世而後。或不敢必。越聖經以循其私塗也。雖然。搆謂必能傳哉。搆與門下交數年矣。門下視搆尙有一系。標榜爲名之見。耶尙有與先儒爭勝之意。耶乃承顏先生。

提○誨○謂○天○地○民○物○不○忍○令○其○塵○霾○先○聖○先○賢○不○忍○任○其○墮○
地○當○日○顏○先○生○言○此○泣○下○塋○亦○泣○下○故○妄○冀○倖○于○後○儒○霧○
瘴○之○或○熄○聖○道○幾○希○之○可○存○而○不○敢○必○不○能○已○每○五○夜○徬○
徨○嘆○息○聲○絕○而○繼○之○以○血○淚○者○也○嗟○乎○成○敗○明○晦○聽○之○天○
矣○盡○吾○心○焉○已○矣○門○下○謂○我○何○哉○又○諭○宜○刊○小○學○稽○業○學○
禮○甚○是○二○種○所○費○不○甚○夥○容○節○圖○之○不○宜○

紹陳秉之學院書

堪罪逆深重譴居倚廬本不當喪顏伸有辭說但念閣下
高樹道幟表彰人倫將敝師顏習叅先生入博叅二邑鄉
賢拔王五公會孫補諸生又屢承注問誼不敢忘謹修赫
蹶令馮生代往叩謝並質學術伏讀閣下批公舉習齋呈
云三物禋躬兼通六藝則于顏先生論學大旨固已同心
許可矣竊思學聖祇有下學上達二者尊著學辨質疑曰
孟子性善最的程朱言氣質之性有惡而曰清固水濁亦
不可謂非水不知黃河之水濁矣乃沙泥闌入若汲而澄
之本體自清伊尹曰習與性成孟子曰陷溺則惡之咎在
習非性之才情有不善也亮哉斯言以爲情才皆善是習

存性編理氣皆善之論矣。蓋才卽形色也。卽氣質也。歸惡于習。與存性編歸之引蔽習染者。又合矣。何閣下上達性天之見。迥出先儒如此也。學辨質疑。又曰格物卽格身心意。知家國天下之有名目條件者。若于此外窮事物之理。如姚江所謂格庭前竹者。聖賢必無此無用之學也。拙著大學辨業專論格物閣下。乃先得我心矣。蓋物卽身心家國天下之物也。格至也。學習其事也。誠正修齊治平。行其事也。故經曰。欲誠正修齊治平。先致知格物。格致而後誠正修齊治平。各有功力節候也。然學學其所行。行行其所學。祇此身心家國天下之物也。固無泛濫于草木萬彙以爲窮理者。至曰有名目條件者。曰物。此語更精。蓋名目

條○件○固○無○外○仁○義○禮○知○子○臣○弟○友○禮○樂○兵○農○如○周○禮○所○謂○
三○物○者○矣○乃○嘆○閣○下○之○于○下○學○確○有○憑○據○視○捕○幻○影○理○亂○
絲○者○相○去○萬○萬○也○豈○堯○舜○周○孔○之○道○將○大○明○于○世○而○特○鍾○
于○閣○下○耶○前○開○衡○水○小○徒○劉○廷○忠○呈○存○性○編○博○野○廣○文○呈○
習○叁○年○譜○馮○生○又○呈○小○學○稽○業○學○禮○二○種○近○肅○寧○黃○令○索○
去○四○存○編○辨○業○學○規○纂○論○語○大○學○中○庸○傳○注○恕○谷○後○集○共○
十○一○帙○獻○上○今○又○將○論○學○二○則○傳○注○問○一○冊○奉○覽○惟○求○閣○
下○嚴○加○批○削○誨○其○刺○謬○示○下○使○聖○道○不○致○岐○塗○非○但○堪○一○
人○之○幸○而○天○下○萬○世○之○幸○也○敢○以○手○額○不○盡○

陳秉三復書畧云憶弱冠時曾于萬季野先生講席得
瞻光霽今二十年矣校士畿甸備聞先生躬行實踐凡

禮樂諸大猷无不深究原委可措施行誠孔門之羽翼
而後學之津筏也所示論學傳注問二種言言至理洞
見闡奧歲試事竣再過保陽當細傾大教奉爲指南曷
勝願望

復蔡瑞寰書

久違渴甚忽承華翰強張病目披讀生喜旋自悲傷恭自
戊戌十月陡中風疾半身不仁年來日服藥餌病不損減
勉自撐持昨四月間失足一跌遂日沉重楊令表弟來陪
侍喜甚不意微勞竟動虛火夜半痰壅憤難起牀自思脾
虛作泄肺虛怯言腎虛精竭怔忡疲癯已有年所又得此
症口張不合仰臥如尸門戶數武扶杖恐顛大約不能久
于人世矣今承賢王德意願竭踵頂奈心神恍惚語言
顛眊手足皆廢趨拜無由高明素叨深契重懇代陳病狀
趨豁廢軀使得少延殘喘不亦首丘故園長托聖世若
迫之西行萬萬不能不惟身病不前老母年八十餘原有

風疾聞。堪遠行。必驚憂。不測堪。尚何心。能不隕。墮母子。二命并。于一時。諒有道。必所垂。憐而吾子。亦爲之。惻然沾裳者。也。車馬之來。萬求中止。啣結報恩。矢于世。世臨風。嗚咽不一。不一手戰。不能書。伏枕口授。令兒輩草呈。恕罪。

李季平曰。質古一無雕飾。徵其誠矣。